



UNIVERSITÄTS-
BIBLIOTHEK
PADERBORN

**Scientia Salvit̃s, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

164. fer. 4. Quomodo orandus Deus, ut nos illuminet ex toto.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

eti. Verum, si fortis est, qui in nos irruit, fortior est, qui nos defendit. Et si violentè trahimur ad consensum peccati, potentissimè ad sustinendum sensum, & negandum consensum adjuvamus.

7. Intelligenda est tentatio occulta, quæ ita latenter ingreditur, ut in rebus agendis, vel vitandis, quæ magnam diligentiam possunt, magnam negligentiam inducat: Hæc rem optimam, & magni momenti indiscussam relinquit, ut cursim & festinanter cum magnis imperfectionibus executioni mandetur; & in hoc genere rogandus Dominus lucis, ut nos liberet à negotio perambulante in tenebris, addam Orationem Dominicam.

MEDITATIO CLXIV.

Feria 4. Dom. infra Octav. Ascens.

Quomodo orandus DEVS, ut nos illuminet ex toto.

Collocabo me inter Dominationes, terrenorum contemptores, & totam intentionem inclinatos ad summum bonum; ad Coloss. 1. Petam, quomodo orandum, ut illuminer ex toto.

Conf. 1. Quomodo me habere debeam erga meipsum. 1. Claram cognitionem debere me habere imperfectionum mearum, & sanctitatis Dei, ideoque detestari propriam
vilita-

vilitatem, & optare sanctificari DEVM.

2. Indignationem contra vitia regno virtutum repugnantia. 3. Fervorem ad sollicitudinem in bona intendendum. 4. Spiritum orationis. 5. Detestationem omnium peccatorum, & timorem, quo formidem, an satisfecerim pro eis. 6. Circumspectionem ne in peccatum cadam, & rigorem erga corpus, ut spiritui subijciatur, & fortitudinem ad vincendas tentationes. 7. Discretionem, ut in omnibus agendis mēsurā servetur, & cautionem ad fugiendas occasiones labendi; juxta quæ ordinabo Orationem Dominicā.

Conf. 2. Quomodo me habere debeam erga proximum. 1. Habere debeo affectum reverentiæ, 2. Affectum congratulationis in nobis. 3. Affectum concordia. 4. Affectum oblationis, ut pro ipso orem, & mea opera offeram. 5. Affectum supportationis, quæ ejus molestias sustineam. 6. Affectum compassionis in adversis. 7. Affectum affabilitatis, juxta quæ ordinabo Orationem Dominicā.

Conf. 3. Quomodo me habere debeam erga Deum. 1. Ut habeam amorem perfectissimum. 2. Gratitude verissimam. 3. Obedientiam promptissimam. 4. Cultum suavissimum Dei. 5. Zelum ardentissimum. 6. Honorem profundissimum. 7. Timorem.

Feria 5. Dom. infra Oct. Ascens. 289

Timorem castissimum, juxta quæ ordinabo
Orationem Dominicam.

MEDITATIO CLXV.

Feria 5. Domin. infra Oct. Ascens.

*Quomodo orandus DEVS, ut
nos sibi uniat.*

Collocabo me inter Thronos, abstractos
affectu à creatis omnibus, addictos vo-
luntati Dei, & subordinationi, ad Coloss. 1.
Petam, quomodo orandum, ut **DEVS** nos
sibi uniat.

Conf Septem gradus infimos amoris di-
vini 1. Diligere Dominum amore intempo-
rali, quo omnia peccata odio habeam, o-
mnem imperfectionem fugiam, & **DEVM**
bonum meum omnibus præferam.

2. Diligere Deum amore inseparabili, ut
velim eum semper præsentem habere, cogi-
tatione, & affectu, donec in regno suo mihi
plenè benedicat.

2. Diligere Deum amore infatigabili,
quo nunquam cessem à contemplatione per-
fectionum Dei, & desiderio perfecti amoris
illius, & studio bonorum operum, donec
illum inveniam, & in æternitate appre-
hendam.

4. Diligere Deum amore dulci, quo ani-
mæ Deus dulcescit, ad eum modum, quo

N

mel